



Broj: 02-04-2-2135/25
Maglaj, 28.11.2025. godine

ZAPISNIK

sa 12. redovne sjednice Općinskog vijeća Maglaj
održane dana 28.11.2025. godine u 16:00 sati u Sali Općinskog vijeća
JU Dom kulture «Edhem Mulabdić» Maglaj

Predsjedavajuća Aida Bašić: Na osnovu člana 59. Poslovnika o radu Općinskog vijeća Maglaj, zaključaka Kolegija od 18.11.2025. godine otvaram 12. redovnu sjednicu Općinskog vijeća Maglaj.

Na današnju sjednicu pozvani su vijećnici iz parlamentarnih političkih stranaka: SDP, SDA, DF, SNAGA NARODA, PDA, BH ZELENi i NAPRIJED BH. Poziv za sjednicu dostavljeni su OSCE terenskom uredu u Travnik, i sredstvima informisanja koji prate rad današnje sjednice Općinskog vijeća.

Pozvan je Općinski načelnik, rukovodioci općinskih Službi, Općinska pravobraniteljica, kao i predstavnici čiji materijali će biti razmatrani na današnjoj sjednici Općinskog vijeća.

Također su pozvani i zastupnici u Skupštini Zeničko-dobojskog kantona.

Sve vas selamim i pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata. Molim predstavnicu Službe Općinskog načelnika i Općinskog vijeća da prozivkom vijećnika utvrdimo broj vijećnika na 12. redovnoj sjednici Općinskog vijeća Maglaj. Današnjoj sjednici Općinskog vijeća prisustvuju 23 vijećnika, nisu prisutni Šehić Senad i Mahmić Selver. Konstatujem da Općinsko vijeće može punovažno raditi i odlučivati i donositi Odluke, zaključke i rješenja, čime je ispoštovan član 88. Poslovnika o radu Općinskog vijeća Maglaj. Na današnjoj sjednici izvršit ćemo verifikaciju zapisnika sa 11. redovne sjednice Općinskog vijeća Maglaj. Da li ima primjedbi na zapisnik? Uređaje za glasanje ste preuzeli, pa možete se izjasniti da li ima primjedbi na zapisnik.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Samir Fetić, Eldin Mehinagić, Arif Mujkanović, Damir Bašić, Adin Obralić, Jasmin Đuhara, Almin Smailović, Firuz Galijašević (SDP), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENi), Kenan Burić (NAPRIJED BH), Nesib Serhatlić (PDA).

Glasalo protiv: Nema.

Uzdržanih: Nema.

Predsjedavajuća Aida Bašić: Glasanje je završeno. 23 vijećnika je glasalo za verifikaciju zapisnika sa protekle sjednice. Otvaram raspravu po pitanju Dnevnog reda, da li ima prijedloga za proširenje Dnevnog reda? Nema. Pauza na zahtjev Kluba SDP-a. Nakon pauze nastavljamo dalje, da li želite iznijeti neki stav ili mišljenje ispred Kluba SDP-a?

Vijećnik Adin Obralić: Zahvaljujem predsjedavajuću, i izvinjavam se na malo dužoj pauzi. Stav Klub SDP-a je da ćemo podržati ovaj Dnevni red.

Predsjedavajuća Aida Bašić: Hvala lijepo. Konstatujem da se sjednici pridružio i vijećnik Senad Šehić, tako da na današnjoj sjednici prisutno 24 vijećnika. Možemo nastaviti dalje, pitala sam da li

ima prijedloga za proširenje Dnevnog reda? Nema, ukoliko nema pročitat ću Dnevni red koji je predložen za današnju sjednicu Općinskog vijeća Maglaj.

DNEVNI RED

1. Prijedlog Odluke o izmjeni i dopuni Budžeta Općine Maglaj za 2025. godinu
2. Nacrt Budžeta/Proračuna Općine Maglaj za fiskalnu 2026. godinu
3. Nacrt Odluke o izvršavanju Budžeta/Proračuna Općine Maglaj za fiskalnu 2026. godinu
4. Periodični finansijski izvještaj Budžeta/Proračuna Općine Maglaj za period 01.01.-30.09.2025. godine
5. Prijedlog Odluke o ustupanju na korištenje ribolovnog područja
6. Prijedlog Etičkog kodeksa Općinskog vijeća Maglaj
7. Prijedlog Odluke o davanju saglasnosti JP "Elektroprivreda BiH" d.d. Sarajevo Podružnici "Elektrodistribucija" Zenica za izvođenje radova na polaganju trase projektovanog podzemnog NN kablo preko dijela nekretnina upisanih kao javno dobro i montaži SKS zračno i ugradnji jednog armirano - betonskog stuba NN mreže umjesto dosadašnjeg drvenog stuba;
8. Prijedlog Odluke o davanju saglasnosti za uspostavljanje prava služnosti na nekretnini u vlasništvu Općine Maglaj, u naselju Domislica, Općina Maglaj;
9. Prijedlog Odluke o prodaji nekretnine - zemljišta u vlasništvu Općine Maglaj neposrednom pogodbom JP "Elektroprivreda BiH" d.d. Sarajevo Podružnica "Elektrodistribucija" Zenica za izgradnju nove kablovske transformatorske stanice "DOMISLICA 2", u naselju Domislica, Općina Maglaj;
10. Prijedlog Odluke o pristupanju djelimičnoj izmjeni Regulacionog plana "Liješnica - Poslovno radna zona" na parcelama A1 i A5, po zahtjevu Stolarija Bajrić doo Maglaj i Bajrić (Ibrahim) Muharemu
11. Nacrt Odluke o usvajanju djelimične izmjene Regulacionog plana "NOVI ŠEHER" Maglaj, po zahtjevu Šehercon d.o.o. Novi Šeher
12. Prijedlog Odluke o davanju saglasnosti Komunalnom javnom društvu doo Maglaj na Pijačni red Gradske pijace u Maglaju
13. Prijedlog Rješenja o razrješenju člana Komisije za obrazovanje, nauku, kulturu i sport
14. Prijedlog Rješenja o imenovanju člana Komisije za obrazovanje, nauku, kulturu i sport
15. Informacija o stanju u oblasti poljoprivrede na području općine Maglaj

Vijećnička pitanja i inicijative

Predsjedavajuća Aida Bašić: Ko je za predloženi Dnevni red?

Glasalo za: Adis Abdurahmanović, Amer Musić, Eldin Pehrat, Armela Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Samir Fetić, Eldin Mehinagić, Arif Mujkanović, Damir Bašić, Senad Šehić, Adin Obralić, Jasmin Đuhera, Almin Smailović, Firuz Galijašević (SDP), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

Glasalo protiv: Nema.

Uzdržanih: Nema.

Predsjedavajuća Aida Bašić: Vrijeme za glasanje je isteklo, konstatujem da je 24 vijećnika glasalo za predloženi Dnevni red za današnju sjednicu. Prije nego što predemo na prvu tačku zamolit ću vas da uređaje za glasanje koristite isključivo za to, obzirom da se neki tokom sjednice igraju pa kasnije nastane problem, ne možete glasati. Znači, uređaj koristite samo onog momenta kada trebate glasati. Hvala vam.

AD -1: Prijedlog Odluke o izmjeni i dopuni Budžeta Općine Maglaj za 2025. godinu

Predsjedavajuća Aida Bašić: Prelazimo na tačku 1. Prijedlog Odluke o izmjeni i dopuni Budžeta Općine Maglaj za 2025. godinu, u sklopu materijala dobili ste mišljenje Ministarstva finansija ZDK, otvarami raspravu, da li je potreban uvodničar? Pretpostavljam da jeste, Dženana zamolit ću Vas da dodete za govornicu. Prije nego Dženana započne obrazlagati tačku broj 1. Ja ću vam pročitati zaključak Komsije za statutarne pitanja, Poslovnik i propise. Komisija je nakon razmatranja Prijedloga Odluke o izmjeni i dopuni Budžeta Općine Maglaj za 2025. godinu utvrdila mišljenja da akt sadrži odredbe propisa koji utvrđuju usaglašenost sa zakonom i Statutom Općine Maglaj a koji ukazuju na nadležnost Općinskog vijeća Maglaj da navedeni akt razmatra i postupa shodno svojim nadležnostima. Dženana izvolite.

Dženana Hadžiedhemović Grahić: Na samo početku želim da vas sve poselanim i pozdravim i nadam se da ćete ovu sjednicu uspješno i u jako kratkom periodu završiti. Evo ovako pred vama se nalazi materijal koji ste dobili Odluka o izmjeni i dopuni Budžeta Općine Maglaj za 2025. godinu, ovo je druga Odluka o izmjeni i dopuni u toku ove godine. Kako sam zakon nalaže kontinuirano se prate prihodi i razhodi i potrebe koje imamo na terenu, informacije od resornih službi. To se usklađuje, odnosno prati se sam Plan Budžeta koji je u određenom momentu donesen, te u skladu s tim se djeluje. Nakon što su službe prepoznale da je li takoreći na terenu su, imamo potrebu za određenim, za stavnijem određenih razhoda, odnosno povećavanjem plana određenih razhoda uz istovremeno smanjenje na nekim drugim stavkama zbog okolnosti na koje nismo mogli uticati, službe su inicirale prema načelniku da je vrijeme da korigujemo Budžet, odnosno da donesemo Odluku o izmjeni i dopuni za 2025. godinu te u skladu s tim je urađena druga Odluka o izmjeni i dopuni Budžeta za 2025. godinu. Generalno gledajući Budžet nova Odluka o izmjeni i dopuni je u novu važećeg trenutno Budžeta. Tu smo došli samo da imamo prihode koji iznose, koji čine svi prihodi osim primitaka. Oni su u nivou 14.994.526,00 maraka. Ovdje je također vršena korekcija u skladu sa proknjiženim odnosno uplaćenim sredstvima na depozitni račun Općine Maglaj i svih poreznih prihoda od poreza i indirektnih prihoda, usklađivanja sa kantonalnim, odnosno federalnim projekcijama koje su Općini proslijeđene u novembru mjesecu. Nadalje, imamo također usklađivanje sa primicima, zbog čega imali smo jednu prodaju zemljišta koja je bila veća u odnosu na naš plan tako da smo u skladu sa tim uvrstili odnosno povećali prihode od primitaka. U tom smislu budžet sa prihodima i primicima iznosi 16.472.680,00 KM. Kada govorimo o razhodima i izdacima, sami razhodi čine 12.688.560 KM dok izdaci iznose 3.734.120 KM i razhodi i izdaci iznose također 16.472.680 KM. Što znači, da je ispoštovan Zakon o budžetima, da je budžet uravnotežen. Kada posmatramo izmjene koje su bile u razhodovnom dijelu, reći ćemo ovako da je razhodovni dio mijenjan u skladu sa potrebama službi, sa informacijama koje svaka resorna služba imala unutar svojih nadležnosti. Ono što jeste reći ćemo da smo u ovom budžetu Općina je projicirala odnosno budžet uravnotežuje sa povlačenjem nešto više od 100.000 manje od 100.000 KM akumuliranog suficita. Tako da što znači da smo ostvarili vlastite prihode od poreza u većem iznosu, nego što smo planirali te samim time, kapitalne izdatke odnosno povećanje imovine Općine finansiramo više sredstvima ostavrenih u toku 2025. godine odnosno sa nešto više od 100.000 KM povlačimo manje iz akumuliranog suficita prethodnih godina. Što se tiče tabelarnog dijela, dakle dati su uporedni pokazatelji važećeg odnosno prvobitnog Budžeta pa prvih izmjena pa ovih drugih, ja ne bih ovdje sada ponavljala šta je to izmijenjeno iz tabelarnog pregleda je to jasno ali svakako da sam tu da odgovorim na sva vaša pitanja. Također tu su kolege resornih službi ukoliko bude trebalo neko dodatno pojašnjenje.

Predsjedavajuća Aida Bašić: Hvala Dženana. Evo rasprava je otvorena, da li se neko od vijećnika javlja za riječ? Ukoliko ne javlja, zatvaram raspravu, te tačku 1. stavljam na glasanje.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ričal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

Glasalo protiv: Nema.

Uzdržanih: Samir Fetić, Eldin Mehinagić, Arif Mujkanović, Danil Bašić, Senad Šehić, Adin Obralić, Jasmin Đuhera, Almin Smailović, Piruz Galijašević (SDP).

Predsjedavajuća Aida Bašić: Glasanje je završeno. Konstatujem da je 15 vijećnika glasalo za i da je 9 vijećnika bilo uzdržano. Konstatujem da je tačka 1 dobila potrebnu većinu.

ZAKLJUČAK

1.1. Donosi se Odluka o izmjeni i dopuni Budžeta Općine Maglaj za 2025. godinu.

AD – 2: Nacrt Budžeta/Proračuna Općine Maglaj za fiskalnu 2026. godinu

Predsjedavajuća Aida Bašić: Prelazimo na tačku 2. Nacrt Budžeta/Proračuna Općine Maglaj za fiskalnu 2026. godinu. Također pročitat ću prije nego uvodničar krene sa obrazlaganjem, zaključak Komisije za statutarna pitanja, Poslovnik i propise. Komisija je nakon razmatranja Nacrta Budžeta/Proračuna Općine Maglaj za fiskalnu 2026. godinu utvrdila mišljenje da akt sadrži odredbe propisa koji utvrđuju usaglašenost sa zakonom i Statutom Općine Maglaj a koji ukazuju na nadležnost Općinskog vijeća Maglaj da navedeni akt razmatra i postupa shodno svojim nadležnostima. Dženana izvolite.

Dženana Hadžiedhemović Grahic: Evo ovako, kada govorimo o Nacrtu Budžeta za 2026. godinu, on iznosi 15.580.00. Budžet je uravnotežen posmatrajući i prihodovnu i rashodovnu stranu, i ono što je u ovom momentu interesantno jeste da je Budžet uravnotežen, odnosno Nacrt po osnovu pripadajućih prihoda te godine, odnosno projekcije pripadajućih prihoda i finansiranja kapitalnih izdataka bez povlačenja sredstava iz akumuliranog suficita prethodnih godina, što ne znači naravno nakon svih prijedloga i izrade konačnog budžeta da će tako ostati ali evo u ovom momentu informacije kojima raspolaže služba i sve ostale resorne službe i načelnik stanje je ovako kako i vidimo u dokumentu. Kada govorimo, također dobili ste mišljenje Federalnog ministarstva iz kojeg je vidljivo da je u proceduri kreiranja samog Nacrta ispoštovana kompletna zakonska procedura. Također u materijalima imate uporedne pokazatelje, tako da ukoliko imate neko pitanje za neku određenu stavku kolege i ja smo tu, tako da ćemo odgovoriti. Još samo evo prije nego završima ja bih rekla što se tiče javne rasprave odnosno dala bih prijedlog vijećnicima da period, obzirom da budžet stupa narednog dana od dana objave u službenim novinama, budžet bi stupio na snagu 02.12. da period javne rasprave bude od 02.12. do 12.12. zaključno sa 15,30 odnosno sa krajem radnog vremena u Općini Maglaj osim za prijedloge, primjedbe i sugestije koje bi stigle poštom ali naravno koje moraju da nose štembilj 12.12. naravno ukoliko se vi slažete. Da vrijeme centralne javne rasprave bude 09.12.2025. godine u 12,00 sati.

Predsjedavajuća Aida Bašić: Hvala Dženana, otvaram raspravu. Da li ima vijećnika za diskusiju? Vijećnik Eldin izvolite.

Vijećnik Eldin Pehrat: Selamim i pozdravljam sve prisutne, naravno da smo posebnu pažnju obratili na Budžet kao najvažniji dokument jedne općine. Evo danas je pred nama Nacrt za fiskalnu 2026. godinu. Dakle, mi u Klubu vijećnika SDA smatramo da je Nacrt Budžeta Općine Maglaj za 2026. godinu kvalitetno i realno pripremljen. Naš Budžet je stabilan, što odražava kvalitetan i uspješan rad načelnika i općinskih službi koji su zajednički radili i na izradi ovog Nacrta. Naravno, mi u Klubu vijećnika SDA imamo određene prijedloge, te ćemo ih u periodu javne rasprave dostaviti u pisanoj formi a također dat ćemo i prijedlog na kojoj stavci da umanjimo iznos sredstava kako bi smo osigurali ravnomjerno usklađivanje, pa sam u vezi pozivam i ostale

kolege da učine isto, jer pretpostavljam da će svi imati svoje prijedloge. Evo danas ćemo istaknuti nekoliko stvari koje su nam vidljive u ovom Nacrtu, tekuće održavanje, rekonstrukcija lokalnih i nerazvrstanih puteva i gradskih ulica povećanje sa 480 na 530 hiljada. Zaštita okoline povećanje sa 177 na 250 hiljada, ovo povećanje posebno želimo pohvaliti i drago nam je da su se uvažili naši prijedlozi iz prethodnih godina i da su konačno izdvojena veća sredstva za ovu namjenu. Dakle ovdje se radi o zaštiti okoline u samom gradu ali i ruralnim područjima zbog čega i jeste izdvojen dodatni iznos sredstava, što do sada nije bilo slučaj. Upravo zbog toga, što smo opredijeljeni da nam sva naseljena mjesta odnosno sve mjesne zajednice na području naše općine budu čišće i urednije, vrijedi pohvaliti ovo povećanje. Također povećanje za iznos od 15.000 za JU Dom kulture Edhem Mulabdić sada taj iznos 265.000 KM. Dio koji se odnosi na kulturu, finansiranje i sufinansiranje rada pojedinaca na promociji općine Maglaj, finansiranje i sufinansiranje edukacije mladih također je povećan iznos. Tekući transferi međunarodnim organizacijama sufinansiranje projekata, povećanje sa 20 na 50 hiljada, što znači da možemo očekivati veći broj međunarodnih projekata na području naše općine u narednom periodu što je svakako veoma pohvalno. Ono što bih posebno izdvojio jeste subvencije privatnim preduzećima i poduzetnicima sufinansiranje boravka djece u privatnim vrtićima i edukativnim centrima. Planirani iznos je ostao isti kao i prethodne godine a radi se od iznosu od 300.000 KM. Sjećamo se svi prošle godine situacije kada je ova sala bila puna zabrinutih roditelja kojima smo tada ponudili rješenje u vidu izdvajanja u Budžetu od čak 300.000 KM. Zaista, smatramo da je ovaj iznos bio od velike pomoći našim sugrađanima čija djeca pohađaju privatne vrtiće i edukativne centre a svakako da je to bila i dodatna sigurnost za rad i opstanak privatnih predškolskih ustanova. Također, prema informacijama kojima raspolazemo dva nova dječija vrtića bi se trebala otvoriti u našem gradu, odnosno trebali bi početi sa radom što ide u prilog onome o čemu sam govorio. Naravno, doći će i do stvaranja nekoliko novih radnih mjesta a ono što je važno za roditelje jeste da ćemo mi kao Općina nastaviti sa sufinansiranjem i u narednom periodu. Ovo se dakle pokazalo kao veoma dobra mjera iako za tekuću godinu nismo utrošili sav novac, planirani iznos od 300.000 KM za 2026. godinu puno govori i našoj brizi za sugrađane. Također, želim izdvojiti izdvajanje za poslovne zone u Liješnici je planirano 150.000 KM i ono što mi je posebno lično drago za poslovnu zonu Novi Šeher planirano je 175.000 KM. Konkretno vezano za poslovnu zonu Novi Šeher mogu reći da mi je drago da nastavljamo kontinuitet od 2025. godine kada smo izdvojili već značajna sredstva za ovu namjenu pa evo tim tempom ćemo nastaviti i u 2026. godini. Ono što me posebno raduje jeste da osim otkupa zemljišta planirano je dakle, planiran je i početak izgradnje saobraćajnice kroz samu poslovnu zonu. Dakle, nešto što će biti vidljivo i što će biti dodatni podstrek da u narednom periodu nastavimo izdvajati sredstva kako bi smo što prije vidjeli i prve investitore na ovom području a svi znamo šta bi to značilo za cijeli Novi Šeher. To su dakle samo neke od stvari koje smo izdvojili, s obzirom da se radi o Nacrtu i kao što sam rekao na početku smatramo da je Nacrt veoma kvalitetno i realno pripremljen a mi ćemo svoje prijedloge dostaviti svakako u pisanoj formi u vremenu trajanja javne rasprave. Hvala.

Predsjedavajuća Aida Bašić: Hvala Eldine, Vijećnik Firuz, prije njega se javila vijećnica Hadžić.

Vijećnica Aida Hadžić: Na početku da pozdravim kolege vijećnike, što se tiče Kluba DF-a mi ćemo podržati Nacrt Budžeta za 2026. godinu, smatramo da je dobra osnova za javnu raspravu a do javne rasprave svakako ćemo poslati svoje prijedloge i zahtjeve koje budemo imali.

Predsjedavajuća Aida Bašić: Hvala lijepo, Firuze izvolite.

Vijećnik Firuz Galijašević: Pozdravljam sve prisutne ja sam na prošloj sjednici Općinskog vijeća podnio dvije vijećničke inicijative vezane su za Budžet. Jedna je sufinansiranje sanacije fasada stambenih objekata i zamjena azbestnih krovova na cijeloj općini mislim a druga je sufinansiranje sanacije i rješavanje problema vodosnabdjevanja za stanovnike općine koji nemaju mogućnost priključenja na gradski ili neki drugi vodovod. Neću ih čitati ovako kako ide, blagovremeno ću ih predati.

Predsjedavajuća Aida Bašić: Hvala lijepo. Da li ima još vijećnika za diskusiju? Vijećnik Senad Šehić izvolite.

Vijećnik Senad Šehić: Koristim priliku sve da vas pozdravim. Ovakó obzirom da se radi o Nacrtu i da naravno ćemo svi sačekati javnu raspravu pa da uputimo i neke konkretne prijedloge pismenim putem. Nekom ozbiljnijom analizom evo barem kada je u pitanju Klub SDP-a bavit ćemo se kada budemo imali konačan prijedlog budžeta. Ja ću iskoristiti za Nacrt Budžeta da ponovim svoj amandman koji sam uputio na prošlom Nacrtu, dakle ponovo želim iskoristiti priliku da uputim prijedlog na Nacrt za 2026. godinu koji se tiče pokretanja programa subvencioniranja rješavanja stambenog pitanja mladih bračnih parova. Također, danas ne tražim da se iko izjašnjava o ovom prijedlogu jer ću ga ja u nešto drugačijoj formi podnijeti pismenim putem. Dakle, u pitanju je još jedna konkretna i realna mjera podrške mladim bračnim parovima da potaknemo da ostanu u Maglaju. Općina Maglaj ima već nekoliko kvalitetnih mjera usmjerenih na mlade porodice poput subvencioniranja troškova van tjelesne oplodnje ili subvencioniranja boravka djece u vrtićima itd. Ovaj prijedlog je logičan nastavak takvih politika jer bi barem djelimično olakšao mladim ljudima prije svega mladim bračnim parovima prvo rješavanje stambenog pitanja. Dakle u kombinaciji sa postojećim subvencijama dodatno postićemo razvoj porodice i jačanje zajednice u našoj općini. Da se ne radi o nikakvom populizmu spomenut ću da slični programi već funkcionišu uspješno u brojim gradovima i općinama koji su i po budžetu i broju stanovnika približni Maglaju. Navest ću samo neke: Usora, Žepče, Gornji Vakuf, Odžak, Ključ, Tešanj. Primjera radi u Tešnju za ovu namjenu se izdvaja 100.000 KM, u Usori se po porodici dodjeljuje oko 10.000 KM. Dok recimo u Žepču je 90.000 raspodijeljeno na 30 korisnika po 3.000 maraka. Svi mladi koji se krenu da zadužuju na 20 ili 30 godina u vremenu kada cijene kvadrata rastu iz mjeseca u mjesec znaju koliko bi im i simbolična podrška značila barem za plaćanje recimo dozvola, ugovora, poreza i sličnih troškova. Dakle, niko ne traži da se izdvajaju nekakva nerealna novčana sredstva. Podsjećam dakle da sam isti prijedlog iznio i tokom rasprave o Nacrtu za 2025. godinu na sjednici održanoj 30.12.2024. godine a potom ga i dostavio pismenim putem 16.01. evo vam ovdje dokaz. Tada sam konkretno predložio da se dio sredstava obezbijedi sa pozicije sanacija fasada i zamjene azbestnih krovova, dakle da se preusmjeri na pilot projekat za 2025. godinu. Međutim tada mi je sa govornice poručne ispred Službe za finansije da se ta stavka ne može smanjivati, pa je navedeno čak ni ukinuti jer je bilo i dodatnih izdvajanja kroz budžetsku rezervu kako je to stavka koja se redovno troši pa se izdvajaju dodatna sredstva što imam ovdje dokumentovano u zapisnicima. Nisam se stvarno time htio baviti tom temom do sljedećeg Nacrta Budžeta. Ipak samo 2 mjeseca kasnije na 4. redovnoj sjednici 28.02.2025. godine na prijedlog kolegice, vijećnice Aida Hadžić smo sredstva preusmjerili na Dječiji vrtić što je na sjednici naravno i prihvaćeno. Usto predstavnik službe je tada naveo citiram: "Da su se u proteklom periodu dešavalo da se ta pozicija i ne realizuje kao npr. u 2023. godini, da se kućni savjeti ne mogu dogovoriti itd" Dakle, sve je provjerljivo u zapisnicima, tako da u ovom trenutku ne želim prejudicirati sa koje bi se pozicije mogla izvršiti preraspodjela za ovaj program ali evo do konačnog prijedloga ću i pismeno dostaviti svoj prijedlog, te pokušati pronaći realan izvor sredstava. Ako bude sluha i volje, odlično ako ne vidimo se na narednom Nacrtu. Hvala.

Predsjedavajuća Aida Bašić: Hvala lijepo. Da li ima još vijećnika za diskusiju, vijećnik Mehinagić izvolite.

Vijećnik Eldin Mehinagić: Evo i ja bih vas selamio i pozdravio. Odmah na početku da kažem da se iskreno nadam da mi ovdje svi što sjedimo, znači, predstavljamo maglajski narod. Iskreno se nadam da će prepreke, prepucavanja stvarno da prestanu, da napokon počemo razmišljati o nečemu realnom. Da ne komplikujemo ni stvari, ne gledajući na političke pripadnosti. S tim u vezi ja sam evo za Nacrt pripremio dvije inicijative. Naime, radi se o tome da u MZ Bijela Ploča već duži niz godina imamo problem sa kanalizacionom mrežom, desna strana toka rijeke Jablanice u nekoj dužini od 400 i nešto metara. Ta se mreža, date su ogromne pare i poslije poplave i sve

sanirala, međutim svi vi znate malo malo rijeka Jablanica izljevala, tako da kad se radilo nije se razmišljalo kako postaviti, tako da te cijevi nisu u funkciji i sve kuće prema Jablanici koje pripadaju Bijeloj Ploči i dolje u dijelu gdje je bunker, septičke sa svih strana direktno izlaze u rijeku Jablanicu. S tim u vezi znači, sastankom Vijeća MZ Bijela Ploča i u razgovoru sa mještanima ja predlažem da se u Budžet uvrsti simboličan jedan iznos od 15 do 20 hiljada maraka kako bi se napravile tri zajedničke na tri lokacije septičke jame, gdje bi normalno naše Komunalno javno preduzeće osposobljeno da radi te poslove i da idu u naplatu normalno pražnjenja tih jama, regularno uporedo sa naplatom vode. Ja mislim da je to najjeftinija varijanta jer da vas podsjetim zadnja sanacija te kanalizacione mreže koje nije u funkciji da je ponovo u funkciji ne bi dugo trajala, to vam otvoreno kažem. Koštala je preko 100 i nešto hiljada. Tako da se pokazalo da te dvije sanacije znači uzalud bačene pare. Tako da molim kolege vijećnike da razmotre i svi da razmotrimo svačiji prijedlog, da uzmemo nešto realno. Ja ne kažem da se može uzeti sve ali eto od traženog pola iznosa se dobilo i to je neki napredak. Druga inicijativa, ja mislim da je direktorica Komunalnog gospođa Šefka upoznata da dio Parnice, taj dio gdje je Parnica ljudi su se obraćali dugo i razgovaralo se o dovođenju gradske pitke vode, međutim i taj projekat bi sigurno koštao stotine hiljada maraka a u uzimajući u obzir za taj dio Parnice ima pitku vodu, samo da vas podsjetim da oni koriste bazen koji je udaljen nekih 7-8 km u dubini šume, vjerovatno ima i zaostalih mina, sve da višak taj vode može podmirivati čitavu Bijelu Ploču. Znači, u najvećoj suši je toliko vode na višak išlo, međutim potreban je, zvanično htio sam da se uradi neki novi sabirnik, međutim ima sabirnik i poviš tih kuća ali treba dio cijeva i taj sabirnik izvršiti sanaciju, tako da. Ja ću ovo i predati u pisanoj formi, tako da je potrebno nekih do 10.000 KM. Nisam od te struke, nisam stručan, može neko i otići da se to preračuna i sve ali uzimajući u obzir dosadašnje iskustvo kada smo mi dole radili, to je otpilike taj novac koji bi trebao. Ja vam se zahvaljujem.

Predsjedavajuća Aida Bašić: Hvala lijepo. Eldine, to ćete dostaviti svakako u pisanoj formi. Hvala, vijećnik Damir Bašić izvolite.

Vijećnik Damir Bašić: Pozdravljam sve prisutne. Ja ću biti kratak, svakako ću poslati ove prijedloge u pisanoj formi, samo da ukratko kažem da će biti prijedlozi da se povećaju za 60.000 sportskim klubovima, to jeste omladinski sport, ustanova Dom kulture Edhem Mulabdić i ustanova Dječiji vrtić. Hvala.

Predsjedavajuća Aida Bašić: Hvala lijepo. Kenan Burić izvolite.

Vijećnik Kenan Burić: Sve vas srdačno pozdravljam, ja ću isto ukratko par prijedloga samo reći, ostale ću poslati pisanim putem. Kao što je bilo na jednoj sjednici razmatranje oko povećanja stipendija našim studentima, kolegica Hadžić je isto izlazila, pa vidim da je isti iznos ostao kao i prošle godine, mislim da bi bilo lijepo da se taj iznos poveća sad u nekoj cifri, koliko ne znam, ali bi lijepo bilo da izađemo u susret našim studentima, jer znamo da školovanje svake godine košta sve skuplje i skuplje. Drugi prijedlog da se poveća budžet za osnovne i srednje škole, jer znamo u kakvim školama naši učenici budu, pa neke laboratorije, neke stručne prakse gdje se obavljaju stvarno bi trebalo obnavljati. Dalje, pisao sam dvije inicijative vezano a vidim da nisu uvrštene u Načrt a lijepo bi bilo, da se napravi projekat koji bi se poslao prema Federalnom ministarstvu vezano za trotoar u Moševcu i Kosovi, makar jednim dijelom M17 puta i crtanje pješačkih prelaza, autobuskom stajalištima gdje učenici izlaze, pa da mogu preći na drugu stranu. Znamo da većina njih živi suprotno od autobuske stanice. Lijepo bi bilo da se taj trotoar uradi jer znamo da je taj put veoma rizičan, da stanovnici tih mjesnih zajednica hodaju skoro po cesti kada idu kući. U noćnim satima nije dobra preglednost, da može biti saobraćajnih nezgoda. Stavnništvo može nastradati da dalje na nabrajam, mislim da je to jedan fin projekat koji bi dosta toga pomogao stanovnicima Moševca i Kosove. Drugu inicijativu koju sam pisao, davno je bilo za rekonstrukciju puta od semafora dole do srednje škole i od srednje škole do kružnog toga kod Mega Diskonta. Svi koji prolazite tim putem ljeti, zimi, nebitno, znate kakvih divljih vozača ima. Auta, motori, trotineti, bicikla. Znači, malo malo saobraćajna nesreća. Ove godine smo imali evo i ja sam čak imao

saobraćajnu nesreću na tom dijelu. Imali smo da je troje maloljetne djece udareno na tom dijelu. Lijepo bi bilo da se tu uradi neki projekat, ja sam s Mirzom pričao, on je meni rekao da ima projekat urađen od prošlog saziva kada je bilo ali se to nikad nije dalo u proceduru. Usporavanje saobraćaja, stavljanje kamera nekih, to oni najbolje znaju. Da se taj put osigura, jer znamo da je taj put ovdje najprometniji. Ostale ove prijedloge ću poslati pisanim putem ali evo ovo je sa sada.

Predsjedavajuća Aida Bašić: Hvala lijepo, vijećnik Fetić izvolite.

Vijećnik Samir Fetić: Sve vas pozdravljam i selamim. Ja nemam ni jednu inicijativu, šalim se naravno. Sinoć smo imali korektan razgovor u mjesnoj zajednici sa gospodinom načelnikom Maidom i probleme smo svoje rekli i ovim putem kada bi pola od onog posla završili ili više od pola mi bi bili sretni. Hvala.

Predsjedavajuća Aida Bašić: Hvala lijepo. Vijećnik Smailović izvolite.

Vijećnik Almin Smailović: Pozdravljam sve prisutne. Nacrt Budžeta kao što su rekle kolege je dobra polazna tačka da razgovaramo o određenim stavkama, ima dosta stvari koje su dobro ugrađene u Nacrt. Mi koji predstavljamo određene lokalne zajednice, odnosno mjesne zajednice imamo i odgovornost i obavezu da predložimo stvari koje se odnose na Budžet iz naše lokalne zajednice, da razgovaramo i da u interesu građana donosimo određene odluke. Ja danas neću nikakve inicijative čitati, svakako ću to uputiti u pisanoj formi. Uzimajući u obzir da budžet kao takav nema nekih sredstava koje trebamo gledati neke megalomanske projekte itd. Tako da svakako pismenim putem ću uputiti svoje inicijative, pa ćemo naravno razgovarati o tome. U interesu je svih nas da se dogovorimo a stavke određene u Nacrtu koje se odnose na lokalne zajednice su sasvim dobre i korektne. Hvala.

Predsjedavajuća Aida Bašić: Hvala lijepo, vijećnik Obralić izvolite.

Vijećnik Adin Obralić: Zahvaljujem predsjedavajuća, prije nego što išta kažem želio bih da se zahvalim i pohvalim Dženanu i njenu službu na jednom stručno urađenom Nacrtu Budžeta. Prije nego što išta kažem mislim nije replika nego onako kolega Perhat je spominjao podršku vrtićima i da se otvaraju dva nova vrtića, što je dobro i što pozdravljam, međutim ja koliko sam dobio informaciju da će svi direktori tih ustanova da podižu ponovo cijene, pa je pitanje koliko će nam biti dovoljno ovih 300.000 da podržimo. Nije problem u podršci, nego je poenta kolika će nam biti dovoljno 300.000 pa da li služba ima informaciju da li je stupila u kontakt sa vrtićima, direktorima ustanova, kako se već zovu da li imaju u planu za narednu godinu povećanje cijena njihovih usluga, da znamo da se može eventualno na Prijedlog Budžeta to dalje uvrstiti, povećati tu tranšu. Samo čisto vezano zbog toga. Druga stvar, ovdje što me raduje da vidim da je planirano 300.000 za Bosansku ulicu a što sam lično 2024. godine kako je krenuo saziv ovog Vijeća ulagao inicijativu a i amandman na prošli Budžet tako da me to vrlo raduje i pozdravio bih to. Ne znam koliko će tih 300.000 biti dovoljno za tu ulicu, tako da s te strane moj prijedlog bi bio, naravno dostaviti ću sve u pismenoj formi na raspravi, da se ta ulica jednom završi za sva vremena, kako se krenulo. Treća stvar jeste što mene naravno kao uposlenika te ustanove muči jeste Dom zdravlja i izdvajanje sredstava za Dom zdravlja, tako da ponovo bih molio i apelovao da se sredstva za Dom zdravlja povećaju kao prošle godine na 240.000 jer je to minimum koji je potreban za tekuće održavanje zgrade i ostalog inventara i svega. To molim iz razloga što obzirom da je ne znam koliko ste upoznati evo tu je i kolega Ramić koji to može potvrditi jer je i on dobrim dijelom učestvovao u tome da je Dom zdravlja dobio certifikat od strane Agencije za kvalitet i sigurnost u zdravstvu. Da smo certificirana ustanova, tako da bi vas molio da s te strane ako možete malo uzmete u obzir i kao neki vid nagrade. Još kratko nadovezao bih se na kolege koji su već o tome govorili, znači neko je spominjao ovdje da su cijene školovanja porasle, porasle su cijene svega, tako da ako možete, a dostaviti ću to naravno opet ponavljam na javnoj raspravi da se povećaju tranše za mjesne zajednice i za sport. Hvala.

Predsjedavajuća Aida Bašić: Hvala lijepo. Evo da li se još neko javlja za riječ? Vijećnik Đuhera izvolite.

Vijećnik Jasmin Đuhera: Pozdravljam sve prisutne, pa evo svjestan sam da je Nacrt i da ćemo imati neki period za predlaganje svojih nekih stavki. Ja bih se osvrnuo na izlaganje kolege Perhata koji je spomenuo poslovnu zonu Novi Šeher, tako da ću isto radi javnosti da i ja kažem da ću imati i ja neke prijedloge koji se odnose na poslovnu zonu Novi Šeher, jer smo svjesni da naš novošeherski kraj nazađuje u svakom smislu, te se nadam da će razvoj te neke privrede postaći demografski razvoj i sve ostale oblike razvoja, tako da ćemo u narednom periodu podnijeti inicijative i na tu stavku. Hvala.

Predsjedavajuća Aida Bašić: Vijećnik Salatović izvolite.

Vijećnik Edin Salatović: Ja neću dugo ništa, samo bih pozvao sve kolege ono što je kolega Perhat rekao da vidimo kada već tražimo s koje stvake planiramo prebaciti sredstva. Naravno da su sve naše potrebe velike, i da trebamo voditi računa o tome da imamo i prihodovnu i razhodovnu stranu. Nemojte da idemo samo vezano na razhodovnu stranu.

Predsjedavajuća Aida Bašić: Hvala lijepo. Vijećnik Đuhera jeste htjeli repliku.

Vijećnik Jasmin Đuhera (replika): Pa mi smo već rekli ovdje u diskusiji da ćemo mi u toku javne rasprave dostaviti znači čitavu analizu sa kojih stvaki mislimo da se treba skinuti na koje dodati.

Predsjedavajuća Aida Bašić: Hvala lijepo, vijećnik Arif izvolite.

Vijećnik Arif Mujkanović: Iskoristit ću priliku da pozdravim sve prisutne i da kažem ovo je samo Nacrt i predlažemo i to može da sasluša naše prijedloge koje iznosimo i neka sam jer snosi odgovornost za izvršenje Budžeta i za realizaciju projekata. Svjesni smo situacije da u gradu je sve više automobila. Prošle godine nije izgrađen ni jedan parking prostor pa zaista bi bilo potrebno da se uradi, da se vodi dio sredstava da se izdvoji i da se parkiraju parkirališta, parking prostori na području općine Maglaj. Zatim što je kolega Perhat spomenuo a i kolega Firuz pa čak i Senad, bio sam inicijator sjednice o tački dnevnog reda kada smo govorili o stanju zagađenosti zraka i inicijator sam bio baš ako se sjećate stanje sa azbestnim krovovima. Da Općina pokaže kao znak dobre volje inicijalna sredstva u sklopu da planira u nekom iznosu bar 30.000 maraka da sufinansira na području cijele općine projekte uklanjanja i zbrinjavanja tih krovova. Moramo zaista voditi računa o zdravlju ljudi. Također, naumpalo mi je prije svega jer moja je profesija i moj život se zasniva pretežno na sigurnosti i zdravlju i brizi građana. U Maglaju postoje gromobrani koji svojim bitisanjem predstavljaju opasnost za zdravlje građana. To su takozvani radioaktivni gromobrani. Mislim da na stambenom objektu soliter, nisam siguran, mislim da čak i dvorana da postoje ti gromobrani koji predstavljaju opasnost po zdravlje građana. Da se angažuje Institut, ovlaštene kuće ili već ne znam ko neka se pogleda način bezbjednog uklanjanja i neka se planiraju sredstva. Ta sredstva bi predložio čak iz sredstava koja se ubiru na račun civilne zaštite i neka se vrši adekvatno uklanjanje i zbrinjavanje tih gromobrana sa cijele općine Maglaj. Druge prijedloge koje imam ću dostaviti u pisanoj formi. Hvala lijepo.

Predsjedavajuća Aida Bašić: Hvala lijepo. Vijećnik Serhatlić izvolite.

Vijećnik Nesib Serhatlić: Poštovane dame i gospodo, sve vas srdačno pozdravljam. Evo moji prethodnici su uglavnom govorili o troškovnoj strani, znači o onome šta treba povećati. Ja se nisam mislio javljati za riječ ali evo samo par informacija da podijelim s vama. Ja ću govoriti sada o prihodovnoj strani i sa jednog značajnog sastanka iz Zenice sa ministrima kantonalnim gdje sam ja bio prisutan imamo uvjeravanja i obećanja da će sljedeće godine biti izdvojena značajna sredstva i za Dom zdravlja u Maglaju i za sanaciju puteva kako lokalnih, tako i ovih regionalnih. Tako da evo ovo je jedna dobra vijest a što se tiče budžeta, mislim da je dobra osnova za analizu i za neke stvari koje eventualno treba dopuniti ali ja bih molio sve one koji daju prijedloge da ako tražimo, ako povećavamo neke stvari na troškovnoj strani, molio bih da se na prihodovnoj strani također povećaju te stavke ili ako tražimo na troškovnoj da neke stvari ukinemo. Moramo imati izvor samo ništa drugo. Hvala.

Predsjedavajuća Aida Bašić: Hvala lijepo, da li ima još vijećnika koji se javljaju za riječ? Ukoliko nema, načelnik se javio, izvolite.

Maid Suljaković, Općinski načelnik: Poštovana predsjedavajuća, predsjedavajuća, poštovani vijećnici, šefovi službi i advokati maglajski, direktori javnih ustanova i preduzeća, kolege sve vas srdačno selamim i pozdravljam. Evo želim da onako na kraju jedne duže rasprave da kažem da sam zadovoljan na način na koji su svi vijećnici i pozicija i opozicija diskutovali na temu Nacrta Budžeta koji je osnovni i glavni dokument svake općine. Smatram da smo Nacrt donijeli i vama predstavili jako realno i da su to manje-više približno sve stavke kada je u pitanju i prihodovna i razhodovna strana. Pozivam vas da danas evo i nakon ove lijepe diskusije svi zajedno usvojite ovaj Nacrt, da pokažete i time da vam je stalo do rada Općine i dobrobiti svih građana a mi ćemo se naravno potruditi da što veći dio inicijativa koje budu, koje ste ovdje predstavili a koje će pristići i pismenim putem i kroz javnu raspravu, da ih uvrstimo. Naravno na temelju izvora finansiranja koji su realni. Općina Maglaj je mala koja u narednoj godini gubi značajan izvor sredstava na temelju Odluke Ustavnog suda, daktić za Odluku o komunalnoj taksi na istaknutu firmu u iznosu od 270.000 KM i trebate uzeti u obzir i to kada budete raspoređivali budžet, da mi ta sredstva iduće godine nemamo. Toliko, hvala.

Predsjedavajuća Aida Bašić: Hvala načelniče. Ukoliko nema više vijećnika za diskusiju, na zahtjev Kluba SDP-a pauza prije glasanja, izvolite. Nakon pauze možemo nastaviti. Da li Klub vijećnika SDP-a želi iznijeti neko mišljenje, izvolite.

Vijećnik Adin Obralić: Zahvaljujem još jednom predsjedavajuću. Obzirom, da je na kraju diskusije o ovom Nacrtu Općinski načelnik pozdravio i na neki način dao podršku inicijativama svih vijećnika pa i nas iz opozicije i pokazao da bi se moglo u budućnosti razgovarati o Prijedlogu Budžeta te u nadi da će se inicijative od strane opozicije naći u prijedlogu Klub vijećnika će podržati ovaj Nacrt Budžeta. Hvala.

Predsjedavajuća Aida Bašić: Hvala lijepo, rasprava je zaključena. Hvala vam još jednom na korektnoj diskusiji vezano za Nacrt Budžeta za 2026. godinu. Čuli smo neke od prijedloga koji će biti upućeni u toku javne rasprave. Još jednom svakako vas pozivam da iste uputite u pisanoj formi. Bitno je da vijećnici izraze svoje mišljenje vezano za sam Nacrt a služba će sve to obraditi, što bude moguće naravno i uvrstiti u konačan Prijedlog Budžeta za 2026. godinu. Dženana je zaboravila reći da ima jedna tehnička greška u članu 1. stoji Odluka o izmjenama i dopunama Budžeta Općine Maglaj za 2025. godinu a treba da stoji Nacrt Budžeta Općine Maglaj za 2026. godinu, predlažem da se ovo ispravi. Također uz glasanje o samom Nacrtu predlažem da glasamo i o prijedlogu službe vezano za javnu raspravu. Predloženo je da javna rasprava bude od 02. do 12.12 do 15.30 sati a centralna javna rasprava da bude 09.12. u 12.00 sati, preptostavljam sala Općinskog vijeća i da se izjasnimo o Nacrtu Budžeta i o prijedlogu službe vezano za centralnu javnu raspravu i o trajanju same javne rasprave. Rekla sam od kada do kada i kada se završava. Staviti ćemo navedeno na glasanje.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Samir Fetić, Eldin Mehinić, Arif Mujkanović, Damir Bašić, Senad Šehić, Adin Obralić, Jasmin Đuhara, Almin Smailović, Firuz Galijašević (SDP), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NAROD JED BH), Nesib Serhatlić (PDA).

Glasalo protiv: Nema.

Uzdržanih: Nema.

Predsjedavajuća Aida Bašić: Vrijeme za glasanje je isteklo. Konstatujem da je 24 vijećnika glasalo za, koliko nas i ima u Sali Općinskog vijeća. Uzdržanih i protiv nije bilo.

ZAKLJUČAK

- 2.1. Da se u članu 1. Nacrta Budžeta/Proračuna Općine Maglaj za fiskalnu 2026. godinu ispravi tehnička greška, te da umjesto „Odluka o izmjenama i dopunama Budžeta Općine Maglaj za 2025. godinu iznosi 15.580.000,00 KM i sastoji se od:“, treba da glasi „Nacrt Budžeta/Proračuna Općine Maglaj za fiskalnu 2026. godinu iznosi 15.580.000,00 KM i sastoji se od:“;
- 2.2. Period javne rasprave na Nacrt Budžeta/Proračuna Općine Maglaj će trajati od 02.12.2025. godine do 12.12.2025. godine, zaključno sa satnicom od 15,30 sati, kraj radnog vremena u Općini Maglaj, osim za prijedloge, primjedbe i sugestije, koje bi stigle poštom, a koje moraju da nose štambilj od 12.12.2025. godine;
- 2.3. Centralna javna rasprava će se održati 09.12.2025. godine u 12,00 sati u Sali Općinskog vijeća Maglaj;
- 2.4. Donosi se Nacrt Budžeta/Proračuna Općine Maglaj za fiskalnu 2026. godinu.

AD -3: Nacrt Odluke o izvršavanju Budžeta/Proračuna Općine Maglaj za fiskalnu 2026. godinu

Predsjedavajuća Aida Bašić: Prelazimo na tačku 3. Nacrt Odluke o izvršavanju Budžeta/Proračuna Općine Maglaj za fiskalnu 2026. godinu. Ovo je dokument koji prati Nacrt. Otvaram raspravu, da li je potreban uvodničar? Ima li potrebe, nema. Pročitat ću mišljenje Komisije za statutarne pitanja, Poslovnik i propise. Komisija je nakon razmatranja Nacrta Odluke o izvršavanju Budžeta/Proračuna Općine Maglaj za fiskalnu 2026. godinu utvrdila mišljenje da akt sadrži odredbe propisa koje utvrđuju usaglašenost sa zakonom, Statutom Općine Maglaj a koji ukazuje na nadležnost Općinskog vijeća da navedeni akt razmatra i postupa shodno svojim nadležnostima. Otvaram raspravu, da li se neko javlja za riječ, ne javlja. Zatvaram raspravu, te tačku stavljam na glasanje.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Samir Fetić, Eldin Mehinagić, Arif Mujkanović, Damir Bašić, Senad Šehić, Adin Obralić Jasmin Đuhera, Almin Smailović, Firuz Galijašević (SDP), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELEN), Kenan Burić (NARIJED BH), Nesib Serhatlić (PDA).

Glasalo protiv: Nema.

Uzdržanih: Nema.

Predsjedavajuća Aida Bašić: Vrijeme za glasanje je isteklo. Konstatujem da je 24 vijećnika glasalo za, te konstatujem da je točka 3 dobila potrebnu većinu.

ZAKLJUČAK

- 3.1. Donosi se Nacrt Odluke o izvršavanju Budžeta/Proračuna Općine Maglaj za fiskalnu 2026. godinu.

AD -4: Periodični finansijski izvještaj Budžeta/Proračuna Općine Maglaj za period 01.01.-30.09.2025. godine

Predsjedavajuća Aida Bašić: Prelazimo na tačku 4. Periodični finansijski izvještaj Budžeta/Proračuna Općine Maglaj za period 01.01.-30.09.2025. godine. Otvaram raspravu, da li je potreban uvodničar? Nije, da li se neko javlja za diskusiju? Vijećnica Mustabašić izvolite.

Vijećnica Armina Mustabašić: Ja prije svega želim sve srdačno ča pozdravim i poselamim. Kada je riječ o ovoj tački Dnevnog reda Klub vijećnika SDA podržava nastavak ovakve politike finansijskog upravljanja i izražava zadovoljstvo ostvarenim rezultatima u dinamici punjenja budžeta kao i odgovornim planskim izvršavanjem budžetskih sredstava. Stabilno finansijsko poslovanje potvrđuje da vodimo politiku koja unaprijeđuje razvojne procese, osigurava održivost naših projekata i jača povjerenje građana. Hvala.

Predsjedavajuća Aida Bašić: Hvala lijepo. Da li ima još vijećnika za diskusiju? Ukoliko nema, zatvaram raspravu te tačku 4 stavljam na glasnađe.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusr, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

Glasalo protiv: Samir Fetić, Eldin Mehinagić, Arif Mujkanović, Damir Bašić, Senad Šehić, Adin Obralić Jasmin Đuhera, Almin Smilović, Firuz Galijašević (SDP).

Uzdržanih: Nema.

Predsjedavajuća Aida Bašić: Glasanje je završeno. Konstatujem da je 15 vijećnika glasalo za, 9 je bilo protiv, uzdržanih nema. Tačka 4 je dobila potrebnu većinu.

ZAKLJUČAK

4.1. Usvaja se Periodični finansijski izvještaj Budžeta/Proračuna Općine Maglaj za period 01.01.-30.09.2025. godine

AD – 5: Prijedlog Odluke o ustupanju na korištenje ribolovnog područja

Predsjedavajuća Aida Bašić: Prelazimo na tačku 5. Prijedlog Odluke o ustupanju na korištenje ribolovnog područja. Otvaram raspravu. Da li je potreban uvodničar? Želite li? Evo gospodin Bradarić je sa nama, izvolite. Prije nego se uvodničar obrati, ja ću pročitati zaključak Komisije, komisija je nakon razmatranja Prijedloga Odluke o ustupanju na korištenje ribolovnog područja utvrdila mišljenje da akt sadrži odredbe propisa koji utvrđuju usaglašenost sa zakonom i Statutom Općine Maglaj a koji ukazuje na nadležnost Općinskog vijeća Maglaj da navedeni akt razmatra i postupa shodno svojim nadležnostima.

Ferhat Bradarić: Prvo da vas sve srdačno pozdravim i poselamim. Znači, u skladu sa zadnjom izmjenom i dopunom Zakona o slatkvodom ribarstvu, od 12.02.2025. godine došlo je do izmjene i dopune člana 6. spomenutog zakona gdje se lokalne jedinice znači samouprave na nivou FBiH moraju konsultovati prilikom donošenja ove Odluke o ustupanju ribolovnog područja na području jedinica lokalne samouprave. Na nivou ZDK 10 lokalnih jedinica je ovu suglasnost dalo Ministarstvu, ostali smo mi i još Zavidovići. Općinska vijeća daju svoje mišljenje ustavri tu Odluku kako su nam rekli kao suglasnost da se može raspisati konkurs za upravljanje ribolovnim područjima gdje mogu učestvovati i pravna lica i udruženja i svi oni koji su zainteresovani da upravljaju tim područjem. U temeljnom zakonu u članu 8.se spominje da ribolovno pravo nad ribolovnim područjem u dijelu ribolovnog područja daje se na period od 10 godina. To je vremenski period koji je bio do sada i to je sada narednih 10 godina ona područja koja se ne raspišu putem javnog konkursa, poziva ministarstvu daje van konkursa na period 2 godine dok se ne desi ponovo. Ovo je ustvari obaveza naša da mi do kraja godine pod hitno dostavimo taj naš akt u ovom slučaju Odluku Općinskog vijeća da bi ministarstvo mogio da raspiše konkurs za upravljanje ovim područjem. Također u ovom dijelu se opredjeljuje iznos naknade. Mi smo stavili to u kontaktu sa našim Sportsko ribolovnim područjem, predstavnicima da to bude otprilike 200maraka. Neke Općine su stavile 250, neke 300, Zenica je stavila 1.000 maraka. Usaglasili smo

se njima, vi imate mogućnost da to povećate ako želite. Raspoređuje se na način da se 50 % raspoređuje na nivou lokalne zajednice, 5 % uzima kanton. To su sredstva koja se daju koliko sam ja razumio da se postavi negdje klupa ili nekakav sadržaj za te naše ribolovce. Uglavnom, to je jedan akt koji bi vi trebali da date da bi ministarstvo moglo raspisati konkurs.

Predsjedavajuća Aida Bašić: Hvala lijepo. Rasprava je otvorena. Da li se neko javlja za riječ, vijećnik Arif izvolite.

Vijećnik Arif Mujkanović: Mogu samo Ferhata da pitam možeš li malo Ferhate da ne kažem ovako jednostavnije objasniti je li do sada to konkretno podršku upravljalo ribolovno društvo Maglaj na području općine i koje su obaveze. Ja sada vjerujem da sam malo zbunjen sa ovim, nisam pošteno da vam kažem nisam ni gledao taj materijal, nije mi se učinio nešto posebno ni interesantno ali me sada interesuje šta je u pitanju. Je li to kome se daje na upravljanje, ko se može sve prijaviti i koje su obaveze i prava. Šta se iz toga evo ko je do sada imao tu dozvolu i suglasnost?

Ferhat Bradarić: Ministarstvo je do sada isto tako raspisivalo ovaj poziv. Ovaj zakon nije se mijenjao u ovom dijelu, nikakvih dodatnih uvjeta. Mislim da je bila apelacija samo Općine Olovo po osnovu njihove te apelacije izvršena je izmjena dopuna ovog Zakona 2025. godine gdje su tražili da se i Općine uključe da daju svoju suglasnost da se pitaju po tom pitanju. Sav ovaj period do danas je ista procedura bila; to se ne mijenja oni rade elaborate i te akte ne znam sada tačno kako se zovu studije o upravljanju tim područjima u skladu sa ministarstvom dobijaju tu suglasnost. Do sada je to bilo Sportsko ribolovno društvo Bosna i do sada su se mogli pojaviti neki drugi pravna lica uz ove uvijete koje ministarstvo raspiše. Mislim da se radi o nekakvim studijama, opravdanosti upravljanja tim područjem i to su otprilike ove rijeke koje mi smo i do sada bili upoznati sa ribolovom. To je bila rijeka Liješnica, Bosna, tamo gdje ustvari ima ribe. Ništa se ne mijenja.

Vijećnik Arif Mujkanović: Sve slažem se s tim ali nikada do sada prilično po meni nije to da kažem ni uređeno ni prepoznato koje su obaveze onome kome se dodijeli. Čuo sam otprilike šta ste rekli, međutim.

Ferhat Bradarić: To se sa Ministarstvom za poljoprivredu sve.

Vijećnik Arif Mujkanović: Trebali bi mi da imamo te kriterije da se malo ako se već traži suglasnost od Vijeća da odredimo određene kriterije koje bi dali i da mi dadnemo neke još svoje prijedloge i sugestije. Na kraju krajeva šta očekujemo od onoga ko radi sa tim, ko sa tim upravlja.

Ferhat Bradarić: Oni su Arife onaj, precizirani zakonom na nivou čitave FBiH jedinstven je zakon. Osim sada u dijelu gdje se traži suglasnost Općina da daju svoje mišljenje po pitanju toga. Ako ne bude mi nemamo upravitelja, onda će oni dati na period 2 godine ali opet će tražiti. Ovo je bila druga urgencija. 10 Općina je to dalo pored ovoga naravno oni će tražiti da se imenuje jedan član Komisije koji bi trebao da bude te poljoprivredne struke i da bude član komisije kada se bude raspisivao konkurs. To će biti u narednom nekom periodu, vjerovatno u narednih mjesec dana.

Predsjedavajuća Aida Bašić: Hvala Ferhate, da li se još neko javlja za diskusiju? Ukoliko nema više vijećnika za diskusiju, zaključujem raspravu te tačku 5 stavljam na glasanje. Ko je za?

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARUJED BH), Nesib Serhadić (PDA), Samir Fetić, Arif Mujkanović, Damir Bašić, Senad Šehić, Adin Obralić Jasmin Đuhera, Almin Smailović, Firuz Galijašević (SDP).

Glasalo protiv: Nema.

Uzdržanih: Nema.

Predsjedavajuća Aida Bašić: Vrijeme za glasanje je isteklo. Konstatujem da je 23 vijećnika glasalo za. Vijećnik Mehinagić je van sale za vrijeme glasanja. Tačka 5 je dobila potrebnu većinu.

ZAKLJUČAK

5.1. Donosi se Odluka o ustupanju na korištenje ribolovnog područja.

AD – 6: Prijedlog Etičkog kodeksa Općinskog vijeća Maglaj

Predsjedavajuća Aida Bašić: Prelazimo na tačku 6. Prijedlog Etičkog kodeksa Općinskog vijeća Maglaj. Pročitat ću zaključak Komisije za statutarne pitanja, Poslovnik i propise, komisija je nakon razmatranja dostavljenog Prijedloga Etičkog kodeksa Općinskog vijeća Maglaj koji je pristigao od OO SDA u roku ostavljenom u pozivu sačinila prijedlog Etičkog kodeksa Općinskog vijeća Maglaj te uputila Općinskom vijeću Maglaj na usvajanje. Otvaram raspravu. Da li je potreban uvodničar? Predsjednik Komisije je sa nama ovdje, želite li. Ne treba, evo ja ću prokomentarisati da mi je drago što je Prijedlog Etičkog kodeksa danas kao tačka dnevnog reda. Posebno mi je drago što sam vidjela da principi i pravila ponašanja vijećnika će ubuduće biti obrađeni i oni koji se tiču istupa na društvenim mrežama, tako da će Etička komisija pratiti vijećnike i imati zadatak da prati ponašanje vijećnika i njihove istupe na društvenim mrežama. Što je dobra stvar, vijećnici moraju da vode računa o onome šta pišu i kako se ponašaju i na društvenim mrežama i svakako ovdje su predviđene u Etičkom kodeksu ko je čitao a trebali ste da čitate i određene i sankcije i određene mjere koje će se poduzimati što svakako pohvaljujem i mislim da je konačno vrijeme da svaki vijećnik shvati kakvu funkciju nosi i kakva pravila trebaju biti kada je njegovo ponašanje u pitanju. Sabahudin Salkanović je sa nama, javljate se za riječ? Izvolite.

Sabahudin Salkanović: U ime komisije i svoje lično ime sve vas selamim i pozdravljam. Htio bih samo dati jednu napomenu da je komisija predložila u ovom Prijedlogu da ovaj Etički kodeks stupa na snagu 90 dana od usvajanja, ako se danas usvoji a to iz razloga što morat će se promijeniti Poslovnik, morat će se izmijeniti ovaj Etički kodeks, druge su komisije, drugi je saziv, nadležnosti komisije i tako da 90 dana je tog roka da se to sve završi da bi mogli. Treba promijeniti komisiju, zamijeniti neke članove koji ne mogu biti u toj sadašnjoj komisiji. Tako da ste sada u toku.

Predsjedavajuća Aida Bašić: Rok od 90 dana je sasvim razumljiv, obzirom da se trebaju uskladiti određene stvari sa ovim što je navedeno i što se mora ispraviti u drugim aktima. Ukoliko nema više vijećnika za diskusiju, zaključujem raspravu te tačku 6. stavljam na glasanje.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

Glasalo protiv: Nema.

Uzdržanih: Samir Fetić, Arif Mujkanović, Damir Bašić, Senad Šehić, Adin Obralić, Jasmin Duhera, Almin Smailović, Eldin Mehinić, Firuz Galijašević (SDP).

Predsjedavajuća Aida Bašić: Vrijeme za glasanje je isteklo. Konstatujem da je 15 vijećnika glasalo za, 9 uzdržanih, te konstatujem da je tačka dobila potrebnu većinu.

ZAKLJUČAK

6.1. Donosi se Etički kodeks Općinskog vijeća Maglaj.

AD – 7: Prijedlog Odluke o davanju saglasnosti JP "Elektroprivreda BiH" d.d. Sarajevo Podružnici "Elektrodistribucija" Zenica za izvođenje radova na polaganju trase projektovanog podzemnog NN kabla preko dijela nekretnina upisanih kao javno dobro i montaži SKS zračno i ugradnji jednog armirano - betonskog stuba NN mreže umjesto dosadašnjeg drvenog stuba;

Predsjedavajuća Aida Bašić: Prelazimo na tačku 7. Prijedlog Odluke o davanju saglasnosti JP "Elektroprivreda BiH" d.d. Sarajevo Podružnici "Elektrodistribucija" Zenica za izvođenje radova na polaganju trase projektovanog podzemnog NN kabla preko dijela nekretnina upisanih kao javno dobro i montaži SKS zračno i ugradnji jednog armirano - betonskog stuba NN mreže umjesto dosadašnjeg drvenog stuba. Otvaram raspravu, da li je potreban uvodničar? Nije, imamo zaključak Komisija je nakon razmatranja Prijedloga Odluke o davanju saglasnosti JP "Elektroprivreda BiH" d.d. Sarajevo Podružnici "Elektrodistribucija" Zenica za izvođenje radova na polaganju trase projektovanog podzemnog NN kabla preko dijela nekretnina upisanih kao javno dobro i montaži SKS zračno i ugradnji jednog armirano - betonskog stuba NN mreže umjesto dosadašnjeg drvenog stuba utvrdila mišljenje da akt sadrži odredbe propisa koji utvrđuju usaglašenost sa zakonom i Statutom Općine Maglaj a koji ukazuje na nadležnost Općinskog vijeća Maglaj da navedeni akt razmatra i postupa shodno svojom nadležnostima. Ukoliko nema vijećnika za diskusiju, zatvaram raspravu te tačku 7. stavljam na glasanje.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARJED BH), Nesib Serhatlić (PDA), Samir Fetić, Arif Mujkanović, Damir Bašić, Senad Šehić, Adin Obralić Jasmin Đuhera, Almin Smailović, Eldin Mehinagić, Firuz Galijašević (SDP),

Glasalo protiv: Nema.

Uzdržanih: Nema.

Predsjedavajuća Aida Bašić: Glasanje je završeno, konstatujem da je 24 vijećnika glasalo za i da je tačka 7 dobila potrebnu većinu.

ZAKLJUČAK

7.1. Donosi se Odluka o davanju saglasnosti JP "Elektroprivreda BiH" d.d. Sarajevo Podružnici "Elektrodistribucija" Zenica za izvođenje radova na polaganju trase projektovanog podzemnog NN kabla preko dijela nekretnina upisanih kao javno dobro i montaži SKS zračno i ugradnji jednog armirano - betonskog stuba NN mreže umjesto dosadašnjeg drvenog stuba.

AD – 8: Prijedlog Odluke o davanju saglasnosti za uspostavljanje prava služnosti na nekretnini u vlasništvu Općine Maglaj, u naselju Domislica, Općina Maglaj

Predsjedavajuća Aida Bašić: Prelazimo na tačku 8. Prijedlog Odluke o davanju saglasnosti za uspostavljanje prava služnosti na nekretnini u vlasništvu Općine Maglaj, u naselju Domislica, Općina Maglaj. Otvaram raspravu, da li je potreban uvodničar. Nije. Također postoji zaključak koji ukazuje da Vijeće ima nadležnost da navedeni akt razmatra i postupa shodno svojim nadležnostima. Ukoliko nema vijećnika za diskusiju, ima vijećnik Eldis.

Vijećnik Eldis Kusur: Sve vas srdačno selamim i pozdravljam, pošto se direktno tiče moje mjesne zajednice, mog naseljenog mjesta i ova prethodna tačka se odnose sve na Domislicu. Ovim putem zaista htio bih da se zahvalim Općinskom načelniku Maidu Suljakoviću što je nakon 30 godina smogao snage da konačno se rješava problem elektrifikacije to jeste isporuke električne energije naseljenom mjestu Domislica i također svim naseljenim mjestima na području novošeherskog kraja, a tako i u čitavoj općini Maglaj. Znači, zahvaljujući razumjevanju Elektrodistribucije na čelu sa Farukom Hidićem Elektrodistribucija uz angažman Općine Maglaj, su odmah netom poslije onih nemilih događaja elementarnih nepogoda uspjeli da postavie novi trafo 400kw i evo vidite da imamo danas u materijalu da se rješava i drugi trafo Domislica II. Tako da ćemo mi kompletno naseljeno mjesto imati 800 kw. Znači bit ćemo podijeljeni na dva dijela, to

jeste dva trafoa će snabdjevati električnom energijom. Što je za mene kao osobu koja živi gore od velike važnosti. Tako i za ljude koji žive gore jer dolaskom ovih kišnih srježnih vremena, to jeste dolaskom i dijaspori poveća se obim, to jeste potrošnja energije. Mi smo svakako imali česte nestanke struje, gdje smo morali stalno angažirati ljude iz Elektro distribucije HZHB koji su nadležni za ovaj gore dio, da nam konstatno puštaju tu električnu energiju. Evo hvala Bogu kako se ubacio taj novi od 400 kw nemamo problema. Ovim putem pozdravljam ovaj projekat i ako Bog da se to u narednom period završi i kao što sam kazao čestitam Općinskom načelniku na snazi i njegovoj službi, to jeste Farisu Habićeviću koji su se maksimalno uključili da izađu u susret Elektroprivredi BH to jeste Faruku Hidiću da oni to svi zajednički ako Bog da završe i da se ovaj projekat privede kraju.

Predsjedavajuća Aida Bašić: Hvala Eldise, da li ima još vijećnika za diskusiju? Ukoliko nema zatvaram raspravu, te tačku 8. stavljam na glasanje.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA), Samir Fetić, Arif Mujkanović, Damir Bašić, Senad Šehić, Adin Obralić Jasmin Đuhera, Almin Smailović, Eldin Mehinić, Firuz Galijašević (SDP),

Glasalo protiv: Nema.

Uzdržanih: Nema.

Predsjedavajuća Aida Bašić: Glasanje je završeno, konstatujem da je 24 vijećnika glasalo za i da je tačka 8. dobila potrebnu većinu.

ZAKLJUČAK

8.1. Donosi se Odluka o davanju saglasnosti za uspostavljanje prava služnosti na nekretnini u vlasništvu Općine Maglaj, u naselju Domislica, Općina Maglaj.

AD – 9: Prijedlog Odluke o prodaji nekretnine - zemljišta u vlasništvu Općine Maglaj neposrednom pogodbom JP "Elektroprivreda BiH" d.d. Sarajevo Podružnica "Elektrodistribucija" Zenica za izgradnju nove kablovske transformatorske stanice "DOMISLICA 2", u naselju Domislica, Općina Maglaj

Predsjedavajuća Aida Bašić: Prelazimo na tačku 9. Prijedlog Odluke o prodaji nekretnine - zemljišta u vlasništvu Općine Maglaj neposrednom pogodbom JP "Elektroprivreda BiH" d.d. Sarajevo Podružnica "Elektrodistribucija" Zenica za izgradnju nove kablovske transformatorske stanice "DOMISLICA 2", u naselju Domislica, Općina Maglaj. Da li je potreban uvodničar? Nije, otvaram raspravu, da li se neko javlja za diskusiju? Ne javlja. Zatvaram raspravu te tačku 9. stavljam na glasanje.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA), Samir Fetić, Arif Mujkanović, Damir Bašić, Senad Šehić, Adin Obralić Jasmin Đuhera, Almin Smailović, Eldin Mehinić, Firuz Galijašević (SDP),

Glasalo protiv: Nema.

Uzdržanih: Nema.

Predsjedavajuća Aida Bašić: Glasanje je završeno, konstatujem da je 24 vijećnika glasalo za i da je tačka 9. dobila potrebnu većinu.

ZAKLJUČAK

9.1. Donosi se Odluka o prodaji nekretnine - zemljišta u vlasništvu Općine Maglaj neposrednom pogodbom JP "Elektroprivreda BiH" d.d. Sarajevo Podružnica "Elektrodistribucija" Zenica za izgradnju nove kablovske transformatorske stanice "DOMISLICA 2", u naselju Domislica, Općina Maglaj.

AD-10: Prijedlog Odluke o pristupanju Djelimičnoj izmjeni Regulacionog plana "Liješnica - Poslovno radna zona" na parcelama A1 i A5, po zahtjevu Stolarija Bajrić doo Maglaj i Bajrić (Ibrahim) Muharemu.

Predsjedavajuća Aida Bašić: Prelazimo na tačku 10. Prijedlog Odluke o pristupanju Djelimičnoj izmjeni Regulacionog plana "Liješnica - Poslovno radna zona" na parcelama A1 i A5, po zahtjevu Stolarija Bajrić doo Maglaj i Bajrić (Ibrahim) Muharemu. D ali je potreban uvodničar ovdje? Nije, otvaram raspravu, da li se neko javlja za riječ? Zaključak Komisije za privredu, prostorno uređenje, urbanizam i zaštitu okolišta nakon provedene rasprave komisija daje preporuku Općinskom vijeću da usvoji Prijedlog Odluke o pristupanju Djelimičnoj izmjeni Regulacionog plana "Liješnica - Poslovno radna zona" na parcelama A1 i A5, po zahtjevu Stolarija Bajrić doo Maglaj i Bajrić (Ibrahim) Muharemu. Također postoji i zaključak Statutarne komisije, koja kaže da je u nadležnosti Općinskog vijeća da razmatra navedeno pitanje. Ukoliko nema vijećnika za diskusiju, rasprava je zatvorena, tačku 10 stavljam na glasanje.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA), Samir Fetić, Arif Mujkanović, Damir Bašić, Senad Šehić, Adin Obralić, Jasmin Đuhera, Almin Smailović, Eldin Mehinagić, Firuz Galijašević (SDP),

Glasalo protiv: Nema.

Uzdržanih: Nema.

Predsjedavajuća Aida Bašić: Glasanje je završeno, konstatujem da je 24 vijećnika glasalo za i da je tačka 10. dobila potrebnu većinu.

ZAKLJUČAK

10.1. Donosi se Odluka o pristupanju Djelimičnoj izmjeni Regulacionog plana "Liješnica - Poslovno radna zona" na parcelama A1 i A5, po zahtjevu Stolarija Bajrić doo Maglaj i Bajrić (Ibrahim) Muharemu

AD-11: Nacrt Odluke o usvajanju djelimične izmjene Regulacionog plana "NOVI ŠEHER" Maglaj, po zahtjevu Šherconi doo Novi Šeher

Predsjedavajuća Aida Bašić: Prelazimo na tačku 11. Nacrt Odluke o usvajanju djelimične izmjene Regulacionog plana "NOVI ŠEHER" Maglaj, po zahtjevu Šherconi doo Novi Šeher. Da li je potreban uvodničar? Ne treba, otvaram raspravu. Da li se neko javlja za riječ? Ne javlja, zaključka komisije nakon provedene rasprave komisija daje preporuku Općinskom vijeću da usvoji Nacrt Odluke o usvajanju djelimične izmjene Regulacionog plana "NOVI ŠEHER" Maglaj, po zahtjevu Šherconi doo Novi Šeher, ovo je zaključak Komisije za privredu. Također Statutarna komisija je saglasna da navedeni akt Vijeće može razmatrati i postupa shodno svojim

nadležnostima. Ukoliko nema vijećnika za diskusiju, zatvaram raspravu te tačku 11 stavljam na glasanje.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Riđžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA), Samir Fetić, Arif Mujkanović, Damir Bašić, Senad Šehić, Adin Obralić Jasmin Đuhera, Almin Smailović, Eldin Mehinagić, Firuz Galijašević (SDP),

Glasalo protiv: Nema.

Uzdržanih: Nema.

Predsjedavajuća Aida Bašić: Glasanje je završeno, konstatujem da je 24 vijećnika glasalo za i da je tačka 11. dobila potrebnu većinu.

ZAKLJUČAK

11.1. Donosi se Nacrt Odluke o usvajanju djelimične izmjene Regulacionog plana "NOVI ŠEHER" Maglaj, po zahtjevu Šeheroni doo Novi Šeher.

AD-12: Prijedlog Odluke o davanju saglasnosti Komunalnom javnom društvu doo Maglaj na Pijačni red Gradske pijace u Maglaju

Predsjedavajuća Aida Bašić: Prelazimo na tačku 12. Prijedlog Odluke o davanju saglasnosti Komunalnom javnom društvu doo Maglaj na Pijačni red Gradske pijace u Maglaju. Da li je potreban uvodničar? Nije otvaram raspravu, vijećnik Salatović izvolite.

Vijećnik Edin Salatović: Što se tiče tačke 12 radi o utvrđivanju Pijačnog reda koji se ovom Odlukom usklađuje sa nedavnim izmjenama Zakona o trgovini. Obzirom da se radi o obavezni usklađivanja zakonskih propisa Klub vijećnika SDA će podržati ovu Odluku. U ime Kluba vijećnika SDA želio bih iznijeti jednu sugestiju ukoliko postoji mogućnost predlažemo da se u dijelu 9 član 24. gdje se govori o zakupu prodajnog mjesta omogućiti da prednost imaju poljoprivredni proizvođači sa područja općine Maglaj. Smatramo da je važno pružiti veću podršku lokalnoj poljoprivrednoj proizvodnji a ovo je jedan od načina da konkretno pomognemo našim poljoprivrednicima.

Predsjedavajuća Aida Bašić: Hvala lijepo. Direktorica je tu sa nama ukoliko želi da se obrati ako smatra za potrebnim. Također postoji jedna tehnička greška u materijalu, Emina će pojasniti o čemu se radi i predlažem da se to samo koriguje.

Emina Hasanić: S obzirom, da izlazim prvi put sve vas srdačno pozdravljam. Samo u preambuli gore ovaj Prijedloga ove Odluke stoji da u vezi s aktom Komunalnog javnog društva d.o.o. Maglaj u svojim materijalima ste dobili propratni akt. Ja sam pogriješila broj i datum ovog akta a imate ovamo samo da treba da stoji 01-1593/25 od 16.10.2025. godine jer sam imala dva akta od Komunalnog javnog društva tako da sam pogriješila. Eto samo da se uvaži ta sugestija, jeću je svakako ispraviti u konačnoj Odluci.

Predsjedavajuća Aida Bašić: Hvala Emina, ukoliko se niko ne javlja za riječ zaključujem raspravu te tačku 12 stavljam na glasanje.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Riđžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Samir Fetić, Arif Mujkanović, Damir Bašić, Senad Šehić, Adin Obralić Jasmin Đuhera, Almin Smailović, Eldin Mehinagić, Firuz Galijašević (SDP),

Glasalo protiv: Nema.

Uzdržanih: Nema.

Predsjedavajuća Aida Bašić: Glasanje je završeno, konstatujem da je 23 vijećnika glasalo za i da je tačka 12. dobila potrebnu većinu. Vijećnik Burić je van sale za vrijeme glasanja.

ZAKLJUČAK

12.1. Donosi se Odluka o davanju saglasnosti Komunalnom javnom društvu doo Maglaj na Pijačni red Gradske pijace u Maglaju.

AD-13: Prijedlog Rješenja o razrješenju člana Komisije za obrazovanje, nauku, kulturu i sport

Predsjedavajuća Aida Bašić: Prelazimo na tačku 13. a to je Prijedlog Rješenja o razrješenju člana Komisije za obrazovanje, nauku, kulturu i sport. Radi se o razrješenju Sabahudina Hatičića iz ove komisije. Otvaram raspravu. Komisija za izbor i imenovanje nam je dostavila svoj zaključak sa sjednice održane 13.11. Komisija za izbor i imenovanja prihvata ostavku podnesenu od Hatičić Sabahudina člana Komisije za obrazovanje, nauku, kulturu i sport. Da li se neko javlja za riječ? Ne javlja, i Statutarna komisija je konstatovala da je sve u skladu sa zakonom. Ukoliko nema niko od vijećnika da diskutuje na ovu temu, zaključujem raspravu i tačku stavljam na glasanje.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Kenan Burić (NAPRIJE BH).

Glasalo protiv: Nema.

Uzdržanih: Samir Fetić, Arif Mujkanović, Damir Bašić, Adin Obralić Jasmin Đuhera, Almin Smailović, Eldin Mehinaović, Firuz Galijašević (SDP).

Predsjedavajuća Aida Bašić: Glasanje je završeno, konstatujem da je 15 vijećnika glasalo za i da 8 vijećniko bilo suzdržano. Vijećnik Senad Šehić je van sale za vrijeme glasanja i tačka 13 je dobila potrebnu većinu.

ZAKLJUČAK

13.1. Donosi se Rješenje o razrješenju člana Komisije za obrazovanje, nauku, kulturu i sport, kojim se Sabahudin Hatičić razrješava dužnosti člana Komisije za obrazovanje, nauku, kulturu i sport.

AD-14: Prijedlog Rješenja o imenovanju člana Komisije za obrazovanje, nauku, kulturu i sport

Predsjedavajuća Aida Bašić: Prelazimo na tačku 14. Prijedlog Rješenja o imenovanju člana Komisije za obrazovanje, nauku, kulturu i sport. Imenovanje se odnosi na Esmeraldu Hajdić. Zaključci komisije za izbor i imenovanje, komisija je konstatovala da je ispoštovana procedura po kojoj se vrši imenovanje člana, te predlaže Općinskom vijeću Maglaj da donese rješenje kojim se Esmeralda Hajdić imenuje na dužnost člana Komisije za obrazovanje nauku, kulturu i sport. Otvaram raspravu, da li se neko javlja za riječ? Ne javlja, zatvaram raspravu te tačku 14 stavljam na glasanje.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza

Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Kenan Burić (NAPRIJE BH).

Glasalo protiv: Nema.

Uzdržanih: Samir Fetić, Arif Mujkanović, Damir Bašić, Adin Obralić Jasmin Đuhera, Almin Smailović, Eldin Mehinagić, Firuz Galijašević (SDP).

Predsjedavajuća Aida Bašić: Glasanje je završeno, konstatujem da je 15 vijećnika glasalo za i da 8 vijećnika bilo suzdržano. Vijećnik Senad Šehić je van sale za vrijeme glasanja i tačka 14 je dobila potrebnu većinu.

ZAKLJUČAK

14.1. Donosi se Rješenje o imenovanju člana Komisije za obrazovanje, nauku, kulturu i sport, kojim se Esmeralda Hajdić imenuje za člana Komisije za obrazovanje, nauku, kulturu i sport.

AD-15: Informacija o stanju u oblasti poljoprivrede na području općine Maglaj

Predsjedavajuća Aida Bašić: Prelazimo na tačku 15. a to je Informacija o stanju u oblasti poljoprivrede na području općine Maglaj. Da li je potreban uvodničar? Ne treba, otvaram raspravu, da li se neko javlja za diskusiju? Vijećnik Ridžal izvolite.

Vijećnik Alen Ridžal: Koristim priliku da vas sve pozdravim i pošaljam. Želio bih pohvaliti i istaknuti povećanje Budžeta za poticaj za 5% u 2025. godini, također u ime Kluba SDA najavljujem da ćemo tražiti dodatno povećanje od 5% u Budžetu za 2026. godinu i vjerujemo da će načelnik zajedno sa općinskom administracijom ovu sugestiju uvažiti i podržati kao što je to bio slučaj i ranije. Također treba pohvaliti stavku u poticajima koja se odnosi na nabavku plastenika kao i učešće i sufinansiranje Općine u projektu Muslim AID koji se odnosi na nabavku profesionalnih plastenika. Ove aktivnosti pokazuju da općinska administracija aktivno radi na unaprijeđenju uslova za poljoprivredne proizvođače i da postoji spremnost da se podrže projekti koji direktno doprinose razvoju naše lokalne zajednice.

Predsjedavajuća Aida Bašić: Hvala lijepo. Da li ima još vijećnika za diskusiju? Ukoliko nema zaključujem raspravu za tačku 15 i konstatujem da Vijeće informaciju prima k znanju.

ZAKLJUČAK

15.1. Prima se k znanju Informacija o stanju u oblasti poljoprivrede na području općine Maglaj.

Predsjedavajuća Aida Bašić: Prelazimo na vijećnička pitanja i inicijative. Da li ima vijećnika za podnošenje vijećničkih pitanja i inicijativa? Vijećnica Mustabašić izvolite.

Vijećnica Armina Mustabašić: Podnosim vijećničku inicijativu kojom se traži uređenje, adaptacija i proširenje sadržaja dječijih igrališta smještenih u Novom gradskom parku Maglaj. Inicijativu podnosim u ime velikog broja građana koji svakodnevno sa svojom djecom, koriste prostor parka za rekreaciju, druženje i kvalitetno provođenje slobodnog vremena. S obzirom, na visok stepen posjećenosti, smatram da je potrebno dodatno unaprijediti postojeće igrališne površine, te postaviti nove sprave i sadržaje koji su standard u modernim dječijim igralištima. Realizacijom ove inicijative unaprijediti bi se funkcionalnost prostora, povećala sigurnost, te dodatno doprinijelo zadovoljstvu korisnika svih uzrasta.

Predsjedavajuća Aida Bašić: Hvala lijepo, vijećnik Burić.

Vijećnik Kenan Burić: Zahvaljujem, polazeći od potrebe da se očuva sjećanje na istaknutu ličnost naše lokalne zajednice i uvažavajući historijske činjenice i ogromne zasluge za odbranu Maglaja podnosim inicijativu da se jedna ulica, park ili drugi javni prostor na području općine Maglaj Maglaj imenuje po Sulejmanu Hercegu, prvom komadantu Teritorijalne odbrane Maglaj. Da ne čitam dalje da skratim.

Predsjedavajuća Aida Bašić: Hvala lijepo, da li ima još vijećnika za podnošenje inicijativa. Vijećnik Obralić izvolite.

Vijećnik Adin Obralić: Zahvaljujem još jednom, prva inicijativa je prijedlog koji sam dobio od jedne naše sugrađanke, tako da u njeno ime podnosim ovu inicijativu. Na prijedlog Anise Pračić-Šehić, kćerke poginulog majora Armije Republike Bosne i Hercegovine, rahmetli Amira Pračića Prače, podnosim inicijativu da se Zenička ulica preimenuje u Ulicu Amira Pračića-Prače.

Njen prijedlog vam prenosim u cjelosti: "Moj otac je bio profesionalno vojno lice koje je, na samom početku agresije na Bosnu i Hercegovinu, skinulo uniformu Jugoslovenske narodne armije i obuklo uniformu legitime i legalne vojske naše države. Tokom cijelog rata hrabro i odgovorno je obnašao funkciju komandanta 1. bataljona 327. Viteške brdske brigade Maglaj.

Kao komadant je uvijek bio uz svoje saborce-vodio ih je profesionalno, časno i odlučno. Sa svojom jedinicom učestvovao je u odbrani Pazarić, a potom i u hrabroj ofanzivi na Ozrenu. Njegova posvećenost, vojničko znanje i izuzetna hrabrost prepoznati su i nagrađeni najvišim ratnim priznanjem-Zlatnim vijljanom.

Samtram, da je životni put, žrtva i doprinos mog oca trajno utkano u odbranu Maglaja i Bosne i Hercegovine. Zbog toga Vas kao vijećnika molim da podnesete inicijativu kojom bi se jedna od gradskih saobraćajnica nazvala po rahmetli majoru Amiru Pračiću-Prači.

Konkretno, da se Zenička ulica preimenuje u Ulicu Amira Pračića-Prače.

Uvjeren sam da bi ovakav čin bio dostojno priznanje njegovoj hrabrosti, profesionalizmu i žrtvi, ali i važna poruka budućim generacijama o vrijednostima na kojima je odbranjena naša zajednica." Zahvaljujem u ime Anise Pračić Šehić- Hvala. Druga inicijativa jeste ponovljena inicijative od ranije i još jednom da ukažem na kršenje člana 11. stav 2 Poslovnika o radu Općinskog vijeća.

Predsjedavajuća Aida Bašić: Hvala lijepo, vijećnik Serhatlić izvolite.

Vijećnik Nesib Serhatlić: Ja podnosim inicijativu a ona je vezana za zamjenu postavljenih kamera na glavnim ulazima u Maglaj znači sjeverna petlja, južna petlja iz pravca tamo gdje je Bijela Ploča. Imam informaciju da postavljene kamere ne znam kad su postavljene su jako nekvalitetne i uopće se ne može sa tih kamera vidjeti koja vrsta vozila prolazi, ulazi u grad a kamoli registarske tablice itd. Ja predlažem da se ova informacija provjeri i ako je to tačno da se izvrši zamjena tih kamera sa kvalitetnijim kamerama koje će biti dugotrajnije. Hvala.

Predsjedavajuća Aida Bašić: Hvala lijepo, da li ima još vijećnika za podnošenje inicijativa? Ukoliko nema, zaključujem 12. redovnu sjednicu sjednicu Općinskog vijeća Maglaj u 18,00 sati.

Sjednica završena u 18,00 sati.

Zapisničar,

Elza Gračić Skejić



PREDSJEDAVAJUĆA

Aida Bašić



